

ओ म्हारा सतगुरु बणिया भेदिया है भजन लिरिक्स



ओ म्हारा सतगुरु बणिया भेदिया है,
ओ म्हारी नाड़ी रे पकड़ी हाथ,
म्हारा धिन गुरु बणिया भेदिया है,
ओ म्हारी नाड़ी रे पकड़ी हाथ,
उण नाड़ी में लहार उपजे,
हियो हिलोडो खाय,
गुरु म्हाने ज्ञान दर्ई गया,
ओ म्हारा तन बिच दीन्यो लखाय,
सुमिरण चेतन करी गया।bd।

ओ म्हारा सतगुरु आंगण रुखड़ी रे,
लीज्यो रे सब कोय,
ओ म्हारा सतगुरु आंगण रुखड़ी है,
लीज्यो रे सब कोय,
अवगुण ऊपर गुण करे,
वा अवगुण ऊपर गुण करे,
म्हारा सभी पाप झड़ जाय,
गुरु म्हाने ज्ञान दर्ई गया,
ओ म्हारा तन बिच दीन्यो लखाय,
सुमिरण चेतन करी गया।bd।

म्हारा सतगुरु सोना सोलमो रे,
वामे रति ना लागे दाग,
म्हारा धन गुरु सोना सोलमो रे,
वामे रति ना लागे दाग,
सतगुरु भाला रोपिया,
म्हारा सतगुरु भाला रोपिया,
म्हाने लाग्या कलेजा रे माय,
ओ म्हारा तन बिच दीन्यो लखाय,
सुमिरण चेतन करी गया।bd।

ऐजी भाव रूप फैले घणो रे,
और फैली रयो चौफेर,
भरी सभा में बाटज्यो,
म्हारी आनंद सभा में बाटज्यो,
बाटचा घडेला होय,

समस्त भजनों के लिरिक्स और विडियो बिना किसी भी शुल्क के आप हमारे YouTube चैनल में देखने के लिए गूगल प्ले स्टोर या एप्पल एप्प स्टोर से 'भजन डायरी एप्प' जरूर इनस्टॉल करें। वेबसाइट - <https://www.bhajandiary.com>



ओ म्हारा तन बिच दीन्यो लखाय,
सुमिरण चेतन करी गया।bd।

यो मन मोयलो चोरलो रे,
इणी सुरता रो कर लो तार,
सेवा गुरु अमृत को प्यालो,
सेवा गुरु अमृत रो प्यालो,
पियो थे म्हाने पिलाय,
गुरु म्हाने घायल कर गया,
ओ म्हारा तन बिच दीन्यो लखाय,
सुमिरण चेतन करी गया।bd।

ओ म्हारा सतगुरु बणिया भेदिया है,
ओ म्हारी नाड़ी रे पकड़ी हाथ,
म्हारा धिन गुरु बणिया भेदिया है,
ओ म्हारी नाड़ी रे पकड़ी हाथ,
उण नाड़ी में लहार उपजे,
हियो हिलोडो खाय,
गुरु म्हाने ज्ञान दई गया,
ओ म्हारा तन बिच दीन्यो लखाय,
सुमिरण चेतन करी गया।bd।

स्वर – आशा जी वैष्णव ।
प्रेषक – सुरेन्द्र सिंह राजपुरोहित लुदराडा ।
